



INAKI URANGA

Biziberritze Plana sinatu dute Azpeitiko herritarrek, aurkezpen ofizialaren egunean

Euskararen Eguna baino egun bat lehenago —herenegun—, Eusko Jaurlaritzaren eta Azpeitiko Udalaren arteko hitzarmenaren ondorioz abiatuko den Euskara

Biziberritze Plana Nagusiaren aurkezpen ofiziala egin zuten.

Ekitaldi ofiziala udaletxeko Batzar Aretoan egin zuten, eta herritarren arte-

an abiatutako sinadura bilketa, berriz, udaletxeko arkupeetan. Ekitaldi ofizialean Patxi Altuna eta Patxi Goenaga euskaltzain eta Azpeitiko semeei omenaldia egin zien Udalak. Miren Azkarate euskaltzain eta Eusko Jaurlaritzako Kultura sailburuak eta Jean Haritzelhar euskaltzainburuak parte hartu zuten omenaldian, eta erakundeko kideak goraipatu

zituzten bere adierazpenekin. Ondoren, bertaratutako agintariek eta bestelako pertsona ezagunek ekitaldirako prestatutako ohorezko liburuan sinatu zuten.

Sinadura gehiago udaletxeko atean jarritako mahaletan lortu ziren. Biziberritze Planari, Azpeitiko 657 gizarte eragile, enpresa eta talderen babesas jaso arren, herritarrek eman diote babes handiena.



INAKI PETXARROMAN

Joxe Arrieta NEAEko ordezkaria, atzo, taldearen agiria irakurtzen.

tzordeak burutu eta Ibarretxe lehendakariak irakurri zuen agiriak zioen pasarte hau gogorazi nahi nizuke, honez gero: «Herritarrek erakutsitako jokatibideari eta sustenguari esker, euskarak asko aurreratu du gure artean. Baina euskaraz bizi nahi duten herritarrek ez dituzte oraindik erdaldunek dituzten aukera berdinak. Aukera berdinak izan ditzaten da helburua, jakina, modu irekian eta inor behartu gabe, egin behar diren urratsak eginez».

Hezkuntzaren bidez, batez ere, bi hizkuntzak dakizkien belaunaldi berri bat ari da sortzen. Baina eskola bakarrik herren gelditzen da. Familian, lagunartean, kirolean, aisialdian, lantokietan, erakundeetan, toki

guztietan, gero eta gehiago eta arretatsuago erabiltzeko gogo bizia suspertzeko balio dezala gaurko egunak. Euskararen Eguna herritarren elkarbizitza erosoagoa eta baketsuagoa bihurtzeko eta nonahiko eta era guztietako euskaldunak sendeago sentiarazteko balio dezala.

Antzinetatik gaur arte iraun duen eta Europako aztarna bizi zaharrena den euskarak merezi du bizitzetik. Merezi ditu baita Europa osoaren begirunea eta laguntza ere, geure etxetik eta geure herritik hasita, noski.

Askok dugu oraindik egiteko. Eta horretan jarraituko dugu, benetan sinesten baitugu etorkizuna euskaraz ere nahi dugula Euskal Herrian».

I. Petxarroman | HERNANI

Ez zuen jaiegun baten itxurarik Hernanik atzo goizean. Denda gehienak irekiak ziren, eta lan egunetako ohiko auto eta jende mugimendua sumatzen zen. Alabaina, ez zen lanegun ohikoa ere. Nazio Egutegiaren Aldeko Ekimenak (NEAE) deituta, jai egin zuten hernaniar ugarik atzo. Besteak beste, Udalak eta udal zerbitzuek jai izan zuten —kiroldegia, kultur etxea...—, AEK-k, Molotoff irratiak, 10 bat dendak eta zenbait enpresak, antolatzaileek jakinarazi zuten.

Plaza Berrin egindako ekitaldian, NEAEko eta udaleko langileen ordezkari Joxe Arrietak azaldu zuenez, Euskal Herria «herri bat izanik, askatasunez antolatzeko eskubidea dugu, baina ez eremu politikoan bakarrik. Eskubide hori gizarteko eremu guztietara hedatzen da». Hala, lana eta atsedena «nahi bezala» antolatzeko eskubidea aldarrikatu zuen Arrietak.

Duela hiru urte hasi ziren mugitzen Hernanin, espainiar jaiegun «inposatuei» muzin egin eta lan eginez egun horietan. Eragozpenak ere izan dituzte, tartean Euskal Autonomia Erki-degoko Justizia Auzitegi Nagusiak emandako epaia, zeinean

debekatzen zaion Hernaniko Udalarri jaiegun horietan lan egitea.

Aurten, lehen aldiz, jaiegun bat hautatu dute lan egindako besteen ordezkari. Abenduaren 3an, hain zuzen ere. Arrietak esan zuenez, Euskararen Eguna delako. Halaber, eguna egokitzen jo zuen Nafarroaren eguna delako.

NEAEk deia egin zion Udaltzari: «Euskal nazio erakundeak lan egutegi bat antolatu

beharko luke Euskal Herri osoarentzat. Hori dela eta, lan egutegia ahalik eta lasterren egiteko eskatzen diogu, nazio jaiak, tokiko jaiak eta herrialdekoak zeintzuk diren adieraziz».

Hernanin ez ezik, Gipuzkoako beste hainbat herritan ere —Usurbil eta Arrasaten, besteak beste— jai egin zuten atzo, euskararen eguna dela eta. Datorren ostegunean, berriz, Espainiako Konstituzioaren egunean, lan egiteko deia egin dute.

Jaiegun berezia

EUSKARAREN EGUNA. Hernanin jai egin zuten Udalak eta zenbait elkarte, denda eta tabernak, Nazio Egutegiaren Aldeko Ekimenak deiturik

GERRARI EZ

Beste mundu bat posible da

Manifestazioa

**Bilbo: Sagrado Corazon 6etan
Abenduaren 15ean**

gerraren aurkako herri ekimena
iniciativa vasca contra la guerra - initiative basque contre la guerre.

Atxikimenduak - adhesiones - adhésions:
pmgpn@teleline.es
Pablo, Hemen eta Munduan